

東鄉縣志卷八

山川

昔人云西南山水唯川蜀最奇嘗卽東邑觀之山之峻勢若連雲石崙周圍自成城郭其奇不信然哉傳曰兩山之間必有川焉而東邑則不盡然層巒疊嶂嶙峋起伏其下或僅成小溪無足數者惟三江之源白太平而流狹深險可通舟楫固未可與瞿塘灩澦同日語也然觀其人文俊偉士多美秀則其清淑之氣磅礴鬱積鍾靈而毓秀又安可忽乎哉志山川

東鄉縣志

卷八

山川

一

金榜山一名文榜山在縣南一里山橫如榜

白猿鼻山在縣東五里

懸布山寰宇記在巴渠縣東四里

文字山在縣東五十里高極千仞形類文字有文字溪入於前江

鹿子山在縣東七十里旁有小城寨世傳漢時樊噲屯兵於此

高登山在縣東七十里一作登高山上有雲臺寺田可百畝明嘉靖二十八年伏龍騰起寺田俱陷

平□山在縣東八十里其平若樓可容萬人

楊柳三山在縣東北九十里

峩城山在縣東南四十里岡嶺延複有石峽迤邐名
七里峽半屬新寧縣界

石人山在縣西南三十里

三臺山在縣西南四十里三山屹立如臺上有寨
插旗山在縣西十五里

印石山在縣西二十里方整如印一名印字山有二
石相疊如印

鼓樓山在縣四二十里

香爐山在縣西四十里獨立千仞形類香爐

方斗山在縣西北三十里形如斗山有梔一株蘭一
叢相傳邑士子貢舉有名是年梔與蘭各放花焉

寶城山在縣西北四十里四面險峻斜通一徑上有
坪有寨俱以寶城名

日月山在縣西北四十里山高萬仞上有二石孤懸
象類日月

花池山在縣西北五十里下有蓮花池相傳士子是

年貢舉有名開瑞蓮一朵

龍山在縣北十里迴旋若龍

楊侯山在縣西北二十里上有靈官殿明天啟三年有二十真人見人爭朝禮相近有楊侯洞多神異洞西南有插劍池俗傳昔有仙人十二奕碁於此

綾羅山在縣北八十里

筆山在縣北八十里

包桐山在縣北一百二十里羣峰攢聳下連高歇溪

琵琶山在縣東北二里

東鄉縣志

卷八

山川

三

鳳凰山在縣北一百二十里峰巒峽聳名曰燈柱子
明立爲堡

長秀山在縣東北七十里

石峽子在縣東北一百二十里

龍洞在縣東南三十六里七里峽道之西

簾魚洞在縣西一百七十里河中石洞外遶以水卽
叅贊德樗泰擒獲首逆羅其清處

前江自太平廳金城山發源流入縣東長城壩西南
流一百二十里至城東合中後二江爲通川江轉口

南復西南流六十里入達縣界古東關水也
中江自太平廳白支山發源流入縣東北一百八十
里由鐵礦山西流至縣北七十里普光寺會於後江
後江自太平廳大橫山發源流入縣北一百二十里
由大水蕩過舊縣合中江東西折流至城北復東流
至城東會於前江疑卽古益遷水也
下蒲江舊志在縣西南一百步今按縣西南別無他
水惟前中後三江至城東合流經城西南流去疑卽
下蒲江也蓋因地而各異其名耳

通川江按舊志云卽前中後三江至城東合流之總
名經城西南隅流六十里而入達州界計前江自入
界至縣治共三百里中江自入界至縣治共一百八
十里俱不通舟楫自城東合而下土人用極薄板爲
小舟僅可容三五人然水勢湍急獠石嵯岬終屬難
行今則三江俱可通舟裝載貨物北楫連尾稱富盛
云

按蜀地爲江水發源故凡在蜀之水無論大小多
以江稱今則此三江邑人仍稱前河中河後河云

長樂河在縣東三百二十里

萬戶溪寰宇記在巴渠縣東八十里

成熟溪寰宇記自萬歲縣來合文字溪元一統志有
柳葉溪在巴渠縣北三十里

文字溪在縣東五十里滙上諸溪入前江

白龍泉在縣東三百六十里長樂鎮旁

赤甲泉在長樂鎮東里許泉中出赤甲魚因名俗呼
赤甲卽丙穴也二泉合而爲長樂河入於前江

龍洞泉在縣西三十里椒坪之下洞中有泉一股甘

東鄉縣志

卷八

山川

五

美洞廣可容千人居民昔年避兵於此

黑天池在縣東南九十里禱雨輒應

柳池在縣北二十里週圍垂柳陰翳鬱茂

仙女池在縣西二十里

龍脊潭在縣北一里江中有石長數丈形如龍脊

白甲潭在縣東一百里出白甲魚在前江

流盃港在中江離縣北七十餘里

土里 舊東鄉縣二

中水曲可以流觴

魯班河在縣西一百七十里左有百丈崖右有滑石崖

俱懸高百仞中夾江流亂石磊礫俗峻傳鷄鳴班跌倒脩江礪心未
跡石宛然

東鄉縣志

卷八

山川

六